



Summers.

Summers, do hann ich so die Idee,
Morjens frieh in de Shtadtpark se geh;
Wer sich for Klä"nnigkääte dhut indressiere,
Der kann dort aah mancherlä"h schtudiere;
Kä" Shtaab noch, kä" Sunn, noch alles so frisch,
Kä" Waahegerabbels, kä" Rinnergekrisch,
Mor manchesmol heerschde vun fern ganz weid,
Wie die Kercheglock for in die Friehtmef leid.
Do setz ich dann uff e Bank mich hi",
Loß deß Gewe an mer vorinwer zieh,
Grad wie 's so die Shtunn un de Daag als bringt,
Do kummt e Bäckerbu un singt;
De Korb mit 'm Rasseegebäck im Aarem,
Die Weck in de Säckelcher sinn noch ganz waarem,
Ich hannel em ab so e knuschbriger Weck. — — — —
Do biehjen zwää Zingelcher um die Eck

Un dhuen eifrig dischbediere,
 Pennäler, die fors Exame schtudiere;
 Do krieh ich dann mancherläⁿh se heere,
 Wie die Herre Professor em 's Vewe erschwere,
 De Bummel verkimmern un fors Bussiere
 Rääⁿ bisje menschlich Riehre verschbiere;
 Als ob se 's net aah mol e so gedribb
 Un gekneibt un bussierd un Versjer geschribb. — — —
 Denewe dhut dann mit Hack un Schibb
 Un Besem un me lange Reche
 E Gärdner aus 'm Weg 's Uⁿkraut schteche.
 Un wie er sich als so bickt un dummeld,
 Gehr ich, wie er in de Baard neiⁿ brummeld:
 „Dich soll doch e Dunnerkeil verschlaah,
 Jetzt guck nor e Mensch deß Deiwelzeigs aⁿ,
 Deß, wo nix daugt, nix draht, nix schafft
 Un nemmd nor de annre Borrem un Kraft.“
 Un wie er 's so raus dhut reche un reiße,
 Do isß e Gedanke mer eiⁿgefall:
 Wammer nor so die Schmarotzer all
 Im Vewe aah newe hiⁿ kennt schmeiße. — — —
 Im sauwre Kläⁿd, die Backe so rod,
 Die Äärem bloß und die Fieß noch zur Nood

Vum forze, karierde Rock bedeckt,
 Hat mich jetzt e junges Ding verschreckt,
 Deß mit 'm Beschorb ums Eck grad geht.
 E nedder Rämmer un aah net bleed.
 „Gumorje!“ ruf ich un es net faul,
 Memmd e Roseknebbche aus 'm Kerschemaual.
 Un eh ich dra“ denk, flieht 's mer uff de Schoos
 Un ums Eck heer ich fikre deß Deiwelssoos.
 Wie ich so for mich noch deß Knebbche bedrachd,
 Do schlaacht es vum Kerchturm grad halwer acht;
 Un seifzend greif ich nooh Hut und Schtock,
 Schteck die Morjenszeidung noch in de Rock
 Un mach mich neigeschtärkt und gekräft
 Uff de Weg ins Birro un ins Geschäft.
 In de Schtroße e anner Dreime schuu iß,
 Do werrschde gerennt, geschubbt, geriß,
 Bis mer glücklich dann for seim Kemwig schteht;
 Was mähnischde, waß do mei“ Schtoosgebet?
 „Herrgott, jetzt nor kä“ Schturm un kä“ Rehe,
 Daß ich morje kann wirre in de Schtadtpark gehe.“

